

宋詩紀事補遺

宋詩紀事補遺卷之八十四

歸安陸心源伯剛父輯

方萬里

字鵬飛號蕙巖新定人

登雲巖塔二絕

湖迥山明玉宇澄  
浮圖絕頂快高登  
天風吹我今宵夢  
多在瑤臺十二層

翠堵崔嵬置曲欄  
不知身在碧雲端  
墨題便是慈恩

約只尺聯鑣上廣寒

詩苑  
眾芳

姜德明

德明字進修南昌人家貧不樂仕進葛巾野服  
蕭然自得工七言詩傲傑有黃涪翁風有澹溪  
詩文集

烁江漁樂圖爲邑人宗正純撰

楓樹蕭蕭霜葉紅蘆花瑟瑟鳴西風漁翁舉網烁江  
上輕舟一葉波溶溶羣魚遊泳影相續密網收來心  
易足赤鱗素質影跳空玉尺金梭光炫目鼓枻歸來  
日未斜腥風吹入比鄰家家人出戶歡相逐笑舉魚  
筐還自誇老妻汲泉向江口稚子攀條折楊柳汲泉  
炊水待烹鱗貫柳攜魚去沽酒黃昏燈火羅盤殮

兒笑語娛團樂況值時清少徵□□□未解愁饑寒  
却笑商人輕遠別寒帳孤眠怨妻妾□□□父在西  
疇年豐則喜荒則憂何如漁者生涯寄江□□□無  
窮用不已朝復暮兮醉復醒長年嘯傲烟波裏江西詩徵

駱安基

號鳳凰巖隱

游洞霄

捫蘿探得雲根路直入雲山最深處  
主人似青山間雲亦無心自來去

洞霄詩集卷三

程驤厲有

見補傳

西湖

飽聽西湖似輞川有懷無處問長年  
四山攢碧爭爲地一水涵空爲補天

開東陂

俗似華胥與拙宜官居祇似在家時  
出從州縣供麤使併遣湖山作住持  
吏散庭空無箇事雲來雨過只催詩

富順

鷺盟鷗社日追攀識面龜魚貫  
往還拄杖過橋時問

訊何人得似使君閑

以上輿地紀勝

盛世忠

字景韓清源人有松坡摘藁

胡葦航寄古劍

有人尺錦長安來遠寄寶匣手自闔紅雲紫氣燦虛  
室鍊中青蛇鱗生苔誠攜掌握一揮動瞬息天地興  
風雷少年志氣老益壯惟願聖詔下九垓廐中我有  
汗血馬與汝直北清氛埃丈夫當爲國雪恥笑指經  
生真不才

柴門

石砌苔初合柴門手自開日催花影轉風遞竹聲來  
蟹眼翻茶□鵝兒瀝酒杯不須憂歲計魁芋已新栽

劉常簿席上

慶某翁八十

近授長生券從天下綺筵潞公專洛日呂望佐姬年  
坐語風生舌梳頭雪滿肩上思耆舊用飛詔到林泉

觀碁

爭先劉與項得勢楚侵秦本是知心友翻成敵國人  
運籌爭劫殺敗局在逡巡袖手旁觀者機深亦損神

寄藏叟僧善珍

訪客南山路橋橫古木陰砌苔無俗跡庭栢是禪心

舊衲連雲補新詩帶月吟同袍嚴戒行別是一叢林  
病起書院偶成

蓄水滋蘭畹開窗近竹林敗糊黃蠹閤斷簡老蟲侵  
酒尙欺人病詩能對客吟晨昏一飽足此外不關心  
秦竹溪校書清漳未回

茅齋雅稱竹方牀風過疎籬有暗香劇飲一冬成酒  
病得閒終日爲詩忙新移橘本便霜信貪看梅花倚  
夕陽相望故人三百里十宵九夢到清漳

塞上聞角

刁斗城頭夜月寒一聲嗚咽到江干梅花吹落渾閒



事白首征人淚暗彈

王昭君

漢使南歸絕信音  
氈庭青草始知春  
蛾眉却解安邦

國羞殺麒麟閣上人

江湖後集

盛烈

永嘉人有峴窻浪語

白髮

白髮非有種如何忽自生  
盡從方寸地蒔此兩三莖  
場屋債猶欠山林計未成  
頭顱知漸醜羞向鏡中呈

午窗卽事

午困俄驚轉粟留東風獨立思悠悠蜂搜花醴勤王  
事燕拓芹巢爲子謀白髮愁邊添漸密青春忙裏去  
如流無言猛拍欄干曲卻喜長鬚薦茗甌

同黃吟隱湖上散步

煖翻鴨頂一川晴喜共長堤緩轡行落盡繁紅春結  
局傳來大白酒尋盟人于冷淡交偏好句向蕭閒吟  
倍清鷓鴣一聲林外喚短篷歸帶夕陽明

觀下湖漁者

漁舠逗曉來相續短笛亂割春塘淥須留一半還詩  
翁要看早晚鴛鴦浴

主閨風書院偶題

西湖雙清樓之下

塔倚翠微椽筆勁湖吞碧落硯池寬天然調度誰消  
得不是吟家出手難

歲事從他沸似麋小窗挂起只看詩不知那樹梅先  
謝一片香飛入硯池

堤上歸

舟橫別港赴鷗約人立斜陽等燕歸心事一春拈不  
出兩堤楊柳又綿飛

片雲篩雨過橫塘襯斷蘋風作晚涼意快短檠推不  
照柳邊對月聽啼螢

暮天卽事

東寺鐘聯西寺鳴  
前村樹抹暝煙平  
天涯倦翼歸無  
限只有鷗飛自喚名

晚步段橋

垂虹頂上快登臨  
拍拍秋光滿袖襟  
伎癢欲吟吟未  
穩兩山鐘裏暮雲深

以上江湖後集

鄭得彝

龍游八景

翠巖春雨

雨急林花第幾峯  
層層巖翠嵌空回  
頭萬象皆生

意緣遍天涯造化功

澱水晴風

蛟鮪藍色染初勻風皺鄰鄰渺水雲  
安得此溪還姓冉名高千載柳州文

雙港明月

汙汙逝水夾滄洲金耀浮光碎碧流  
夜半漁歌聲再起一天明月兩溪秋

半山殘雪

寒峯蒼削露痕晴殘雪遙疑宿凍雲  
茶話尙餘清絕趣半甌真味許僧分

漁村夕照

小艇穿魚醉夕陽柔條猶可折殘楊數家網罟孤村  
外漁唱一聲烟水長

別浦歸帆

望斷烟波眼欲空霞光明襯暮天紅水高數尺舟歸  
急幅幅蒲帆飽受風

斷岸浮梁

輕舠簇簇水溶溶影落空江萬丈虹溱洧更無人病  
涉浮梁千載紀成功

村市曉烟

微茫村市隱江湄三兩人家欲早炊翠箔樓臺烟半

濕不知紅日上花枝

龍游縣志

### 翠光巖

一棹巨川舟相隨物外遊芳塵曾未逐春興若爲酌

酌石花陰濕題巖薛墨浮沙鷗應笑我留住澱溪頭

龍游縣志

### 陳自新

字貢父福建甯德人號敬齋精易學理數長于

詩宋亡不仕著有起興等集

### 坐嘆

琴聲意似泉聲淡劍氣威如霜氣雄世事關心憂不  
寐蕭蕭白髮月明中

瑞跡寺

雨過山溪生虎迹雲歸岩洞長龍威烟鐘古寺敲殘  
日長笛一聲江鳥飛

瑞龍寺

寺外寒流玉一泓白雲如練掛危層青山遶屋柴門  
掩只見梅花不見僧

棲雲龍潭

石刻仙潭神筆題我來觀感仰神祠千年壑浸東風



裏一掬吟魂秋水湄日暖香生高鸞驚月明影動舞  
蛟螭青鸞白鶴標奇勝忠烈勳名百世垂

以上甯德志

### 郭儼

字思之徙居金華官評事

### 曉睡

村巷閭無事天明憇黑鄉草生思意足花落夢魂香  
地迥秋供爽雨餘風薦涼休令山鳥鬧吾欲傲羲皇

### 蘭溪

蘭陵山下翠煙浮漢水潺湲九曲流落盡江梅聞鐵

笛烟波何處問垂鈞

以上宋詩拾遺

況志寧

厲有

郡城春風樓

晴日游絲拂畫欄  
酒帘輕漾碧雲端  
春風蛺蝶知何處  
愁絕江南曲已殘

百花橋

波光清淺玉虹橫  
過客誰題柱上名  
錦繡鋪張春色滿  
小車花下麗人行

以上江西詩徵

謝雨

字君澤信州貴溪人有文名

題湖上

杜鵑呼我我歸休陸有輕車水有舟笑殺西湖湖上  
客醉生夢死戀杭州

隱居通議  
卷十一

万俟紹之

字子紹郢人有郢莊吟藁

饒友宰丹陽

昔曾覩吏事不是小規模萬象胷中布金牛眼底無  
迅雷推敏速片月對清孤鐵甕城邊邑今番凋瘵蘇

方水滴子

質由良治就心向主人傾外做片金制中藏勺水清  
兔毫芳露染龍尾溼雲生終令雙眸炯曾窺妙女成

陸墓寺

距城纔五里野景自蕭然塘水清環寺  
烹煙黑翳天市多沽酒旅橋列賣魚船  
欲醉宣公塚淵陵幾變遷

旅中

僦樓如斗大不與嬾相便杯酒常妨飯  
餅花亦費錢狂蹤依客燕短夢怯啼鵑  
欲去老邱壘無謀可買田

次郊行韻

蝶怕花殘舞更忙隨風柳絮鬪輕狂  
尋芳客去馬啼倦試酒人歸衣汗香  
過雨千林舒翠葉護田一水露鉞秧  
留春無計空惆悵信手敲棋語夜長

游建康碧瑤洞

洞口簣簣幾百竿洞深襟袂易生寒  
鹿眠桃塢春常在鶴唳松梢夜未闌  
瓦鼎香騰秋霧薄石盤基撒曉  
星殘道人許換塵凡骨同向壇前說煉丹

謁曾祖提刑墓

簪纓輝映紹興間身後清貧陋巷顏  
猶有雲仍在西浙遠思霜露拜南山  
祖風三世未應息天道百年今  
好還欲去欲留松下路藤花染淚露爛斑

呈印主學

君世通城武石城不堪兩處摠烽塵  
向時未快披雲

願今日同爲避地人襟宇光風無盡藏杯盤夜雨有  
餘春喚回十載槐黃夢欲借靈槎去問津

婢態

纔入園中便折花厨頭坐話是生涯不時掐數週年  
限每事誇稱舊主家遷怒故將甌碗擲微瞋剛借粉  
脂搽隔屏竊聽賓朋語汲汲訛傳又妄加

次新竹韻

簾粉飄零幹拂簷午陰比似舊時添棲留薄霧生秋  
意勾引清風滌夏炎弱質自同詩骨瘦新竿也學舞  
腰纖丁甞養就化龍杖休勞輕絲織繡簾

訪新城宰

野花香細綠陰成  
風著征衫暑尚輕  
流水有聲如學語  
亂山無數不知名  
柘林葉盡蠶初熟  
麥隴人行雉不驚  
少駐籃輿聊問俗  
兒童亦說長官清

餞常熟宰

籠鶴歸來到北關  
玉墀春裏趣朝班  
九重定問琴川事  
爲奏通川一渡閒

多幸三年依德宇  
喜無一事到公庭  
庭前柳是公遺愛  
去後相看眼更青

金陵郊行

快提金勒走郊原拂面東風醒醉魂好景流連天易  
晚來朝更過杏花村

冬閨怨

塑出絲毬對畫闌笑呼女伴傍前看宮鞦溼透猶堪  
著未抵空閨繡被寒

題扇面

起晚慵妝立小樓杜鵑聲裏萬紅休儂愁未逐春醒  
解飛盡楊花不舉頭

以上江  
湖後集

戴槃

字子淵天台人式之姪孫



句

醉石眠花影吟廊步薜紋

句

春水綠平野夕陽紅半山

句

一樽溪上別孤棹雨中行

石屏集卷三

戴服

字豈潛天台人式之姪孫

句

一燈深夜雨幾處不眠人

句

一草亦關春造化  
眾星能表月精神

石屏集卷三

戴驤孫

字子雲號雲庵精地理之學

題五月菊

不向東籬吐正葩  
芳名空竊楚人家  
操難耐冷秋藏  
色怪易趨炎夏著  
花輕蹙絳紗籠  
畏日薄裁紅縠  
趁殘霞尊前未識  
淵明面醉後時  
還岸幘紗

石屏詩集附錄

戴龜朋

字叔獻號竹洲

次屏翁韻

走遍江湖早得名  
歸來哦句伺幃屏  
故人今雨時相過  
好酒新春肯獨醒  
未用阮生三語掾  
但遵迂叟四言銘  
高明已悟閑居福  
當見子門發舊馨

石屏詩集附錄

魏近思

字求己號已齋臨邛人鶴山先生之子

小園梅未盡  
放叔用府教以詩索和  
勉用韻以謝

造化機緘莫恨遲  
須知開謝各因時  
物華未分隨春  
意梅蕊先饒露  
玉肌雪裏精神  
千萬態水邊  
蕭灑

三枝何當攜酒澆花去且遣詩筒爲報知

詩苑眾芳

沈規

字正之號仁寓長洲人

過瑩公房

悟得楞伽理塵函久不開遊絲螢定石馴雀下生臺  
境寂從朝暮心空了去來行看舊庭柏自說少時栽

九月一日

門外行蹊落葉遮西風寒入野人家重陽日近秋光

足開遍閑庭帝女花

詩苑眾芳

蔣恢

字弘道號菊圃散人吳郡人

舟回練塘

柁轉秋塘迥寒光徹萬尋葉聲風外急吟思雨中深  
白髮存公道青山適素心疎鐘何處起暝色正沉沉  
野色

幽事每堪娛秋深晚霽初帆分江影破風勒鳥行疎  
山色美無度稻花香可書迢遙今夕意未厭短轅車  
三月晦日偶成

一年芳信雨消磨負此吟懷奈若何倚檻忽驚新綠  
暗掃軒窗惜落紅多春歸惟有時禽覺睡足從渠日

影蹉閑裏工夫閑受用惜無閑客肯相過

行山

六尺枯筇度遠吟野花啼鳥助清吟雲低似覺天根  
近礪遠因知地脉深閱世豈容無正眼窮源須要識  
初心春寒局促良堪厭一笑陽和破積陰

甲辰臘日遣興

臘裏春前日日陰西疇彌覺水雲深梅邊句好無人  
覓竹外烟輕有鳥吟發興合窮千里目著書聊寄百  
年心飜雲覆雨誰能問納納乾坤古復今

秋夜讀書

白紵烏紗不耐涼  
晚風吹月上莓牆  
舊書重讀添新味  
二尺檠邊夜正長

秋吟

落葉紛紛捲地來  
手持六角障黃埃  
何人真解知秋意  
與上凌虛百尺臺

重午

逝水光陰不肯停  
又從菰黍重尋盟  
平生不學採蓮曲  
只讀離騷配酒兵

睡起

幽鳥無言啄落花  
風吹榆莢打牕紗  
先生酒醒綠陰

裏笑聽蜂兒報晚衙

以上詩苑聚芳

陳伯西

吉之泰和人學楊補之作梅其酷嗜如師而得  
筆外意

詠梅

病骨棱棱瘳欲飛  
業根猶墮愛梅非  
夢魂夜夜尋花

去時帶寒香踏月歸

隱居通議卷十一

謝雋伯

字長父號偕山永嘉鶴陽人著有和樵集

秋日雜興二首



西風運金氣萬籟含商聲寒蛩亦何爲微音最淒清  
幽人倦長夜拊枕難爲情朱門沸歌鍾醉卧鴛鴦屏  
晨雞喚不醒況乃聞蛩鳴蛩聲自酸棲賴有幽人聽  
萬籟墮疎花梁燕感時節神飈駕輕翮行計夙已決  
飛鳴繞前簷似與主人別烏衣隔海雲去去避霜雪  
故壘尙未歸相期杏花月

西湖偶成

思遠樓西平嶼東會昌湖上藕花風水亭隔岸湘簾

捲人倚闌干憶謝公

以上宋詩拾遺

趙淮

字靜齋衡山人忠靖公葵從子累官至淮東轉  
運使北兵至被執元將使招李庭芝至揚城下  
大呼庭芝毋降元將怒殺之

辭家廟

祖父有功王室德澤沾及子孫今淮計窮被執誓以  
一死報君刀鋸置之不問萬折忠義常存急告先靈  
速引庶幾不辱家門

沅湘耆舊傳

蔣華子

字公寔號四清山亭人著有煢字藁刊行寓居  
潤之金沙

獨客

獨客秋江上蕭蕭髮欲華終風撼紅樹甚雨老黃花  
邱壠應無恙音書不到家眠孤怨遙夜歸夢遶鷗沙

題孫得休居室

有寶廬  
石盆池

住世百來年童顏只儼然道心丹竈外詩趣筆床邊  
寶廬清虛府盆池小有天雲關誰剝啄端是問神仙

筍

頭角嶄嶄露江南四月時定應孤竹子未脫老萊衣  
怒長楷苔石旁行過棘離不來能幾日能學翠鸞飛

春晚謠

汀洲三月楊花飛  
河魴出水江鱗肥  
雨聲翻作斷腸曲  
薄寒戀戀輕羅衣  
新愁壓眉雙碧聚  
作意挽春春不住  
無情恨殺蜀帝魂  
不勸歸來勸歸去

詩苑  
眾芳

尹應許

陸君實輓詩

誰使權奸釀禍深  
末流無復救危枰  
君臣霄壤難同死  
社稷圯墟可再生  
叔寶井中空大辱  
魯連海上特虛名  
一家骨肉俱魚腹  
留得丹心萬古明

古今忠義獨斯人  
危在須臾見益眞  
身不遠亡憂喪節  
君非同逝慮蒙塵  
平時誰執朝廷柄  
末路方知社

稷臣楚些欲招招不得滄溟南望浩無津

淮安府志

呂勝之

字敬從號澄洲東萊人

天台陳石居出示乃祖梅隱先生遺藁其序  
中所載與友人馮使君入蜀之事可傷因賦  
四十字

臨文增太息復見此人不義重千金諾身輕萬里遊  
好詩今寡和壯志古難酬一盞梅花露年年薦隴頭  
題周草窗江村小景扇面

飛鷺落鳬渚山花燦如繡愛閑人不來柴門掩春晝

詩苑  
眾芳

董楷

字正俞臨海人爲績溪簿直寃獄振饑饉修城  
捍水遽知洪州官至吏部郎中有克齋集

績溪書懷

行來人世塵千里夢遶故山春萬重慈母新年音信  
缺遙瞻雪白是中峯

閣雪峯陰未肯明卧聽寒玉瀉簷聲官居不事閒來  
往閉戶焚香養性靈

宋詩  
拾遺

潘桂

字仲性金華人

鄭北山三比詩余續寫比溫公一絕且云又  
將以比北山三載矣震公今以桂大病稍愈  
欲踐之亟索鄙句勉成一章

半枝枯瘁剩殘葩雪虐風饕壓不斜  
人道梅花似潘子如何自不比梅花

北山文集題跋

宋詩紀事補遺卷八十四終

門下士湖州府學生員李延适校

朱詩紀事補遺卷之八十五

歸安陸心源伯剛父輯

李迪

字惠叔號愛梅都梁人與文信國同時

挽文朝奉

狀元之父

散盡黃金爲買書時人笑我太癡愚一朝有子如堯  
叟何處無人說老蘇可謂死而無憾者孰云文不在  
茲乎淵明地下聞君葬也散黃花作淚珠

自題愛梅

我被梅花惱幾年梅花纔發便詩顛月明遶卻梅花



樹直入梅花影裏眠

詩苑  
眾芳

殷澄

字公源華亭胥浦人父某宋節幹官家富好施  
每大雨雪必載薪米遍乞寒餒人死者爲之棺  
殮人目爲殷佛子宋亡野服隱居浦上慕其人  
者目爲柳南浪翁云

題柳居

國破不共天軍行卻掃地一言活萬人三柳終吾志

松風  
餘韻

陳澹

壽劉總卿

東風未放百花開和氣先鍾命世才  
君遣星郎作星使天教元日作元台  
客隨栢葉杯中醉人向桃花洞裏來  
道骨仙風自難老行看雲氣近蓬萊

恰是三陽交泰時博爐香雜瑞烟飛  
人間首占元正節天上分平婺女輝  
壽酒每隨椒酒獻綉衣行換袞衣歸  
傳聞已有靈臺奏星使南來近紫微

截江網

陳則翁

字仁則宋宏詞科歷仕至廣東副使  
因崖山之變棄官歸里遷居栢橋建集善院日與林霽山

牙言八十五  
輩唱和著有清穎一源集

秋思

在世身如客餘年老一洲荒村寒信早黃葉晚風秋水淨見孤影天空生遠愁傑然霜下菊佳色滿林邱

閩嶠軍中

貔貅齊擁霍嫖姚却笑青山說豹韜兵馬夜行殘月下弓旌寒響朔風高壺漿故老愁啼血野飯將軍猛茹毛自笑書生隨玉帳也腰刀劍束征袍

瑞安縣志

陳宗遠

字巽齋有寒窗聽雪集

異獸

甬東有異獸俗名訛曰歆其形類猴獮或謂虎之精  
逐人求口食呶啞小兒聲滿望乃謝去不遂輒生嗔  
利爪挽人目烏喙啄其身膏血盡且死適意方欠伸  
行道是一跡深山晝掩門眾疑心是獸何乃面如人  
不知椎剝吏人面而獸心

夢遊月宮

壬辰省闈己中  
而黜因賦此

蜿蜒絳綵垂霄路白波渺渺散寒露橫空擲綺結飛  
梁鬖鬖青雲市風御颺金排玉水晶宮鸞佩霓襦笑  
相遇兔停玉杵取元霜吳質無端强猜妬窺見腰中

三尺冰便疑斫卻婆娑樹桂香廣陌不得留灼灼脩  
蛾謾回顧天孫飛梭織冰紈帝子吹笙溼香霧笑指  
瑤臺十二層只怕結鄰未相許瀲灩金樞煙水寒會  
駕飛輪撇波去

過橫遠途中

蠶桑事已過耕稼老農勤橋斷荒村雨山埋半嶺雲  
小松穿石出野水落田分茅店傾醺酒相看亦論文

病起

事業書千卷生涯菊一籬約君慳問卜多病頗知醫  
看鏡癯添骨接髭笑解頤閉門方得趣不誦北山移

資政入村造壽器謾賦

功成身退從來少  
綠野超然洗俗埃  
閒出西疇營六  
檟勝傳南極映三槐  
迎門村婦攜兒拜  
遮道田翁帶  
犬回競喜鳴珂歸  
舊隱爭如鷗鷺不相猜

題蕭季賢雪澗軒

避喧寬結小茅廬  
庭竹栽多引鳳棲  
滿地松釵風嘯  
木隔窗漁艇月涵溪  
歸鴻目送雲閒失  
賀燕集成棟  
外低料想春殘曾有夢  
謝家芳草綠將齊

春日書景

狼籍殘梅滿地香  
遊蜂終日趁晴忙  
芳堤細草鱗鱗

綠深院垂楊裊裊黃暖霧未消山失木春風無力曉  
侵裳眼看景物關情甚亟把詩吟送一觴

冬晚

簷樂無風靜自鳴開牕亦復使眸醒投林倦鳥低翻  
翼觸紙癡蠅細有聲籬外半懸紅子落牆間少見綠  
莎明陽生陰後春來近準擬新詩爲發萌

因雨遣興

細雨冥冥風頓淒微沾沙路不成泥珠排簷網凝絲  
重瓊積荷盤壓柄低青草岸頭三月暮黃梅葉外一  
山迷小塘水滿魚過塹隨浪流溝入古溪

江湖  
後集

陳子全

攸縣人臨安陷與吳希奭王夢應自通於督  
府承制各授官已而湘部諸縣再陷中流矢死  
軍中寄內

一望瀟湘徧路迷胡笳吹月夜淒淒回天無力心難  
死矢日同讐志應齊但使首陽存漢地不教陰塞牧  
羗羝聲名一墮誰能贖珍重雌雄劍化蛻沅湘者舊傳

陳白

妙智寺

台嶺名將方丈齊當年曾說二僊迷無人再得洞中



信空有桃花落剡溪

排危步步上天梯  
喬木蒼蒼拂紫霓  
向日莫催琪樹老  
清宵應見玉繩低  
雲蒸巨壑金虬蟄  
月落高軒翠羽栖  
况復僊翁丹井在  
碧霄岐路不須迷

八重峰頂望羣山  
百谷東流去不還  
惟有右軍遺跡在  
月波時落墨池間

天台續集

題元象大師房

鷺行飛起綠楊岸  
漁笛吹殘明月灘  
一片畫圖收不得  
何人終日倚闌干

題勝光怡道軒

了了無凝滯誰人知此心開池待海月種樹宿沙禽  
白雪盈青簡古風生素琴由來大隱者何必在山林  
天台續集

孟大武

題大興院 或作題樺溪

松柏回環路屈盤像堂僧室枕層巒泉多翠茗臨烹  
便寺僻紅塵欲到難樵斧斫雲春谷暗漁榔敲月夜  
溪寒我來未足登高興欲去裴回更倚闌 天台別編

題萬安院

十年不作此山來依舊青山好在哉聊逐春風驅酒

病却驚身世得愁媒禪床寄枕眠初熟山鬼嫌人夢  
却回明日拂衣還出去桃花地上欲成堆

陳雄飛

字鑑之豐城人弱冠有文名教授鄉里請業士  
屢滿戶外皆有所得而去不事請謁當事罕見  
其面

句

處順心恆逸無求道乃高

豐城縣志

袁謙

字彥先崇安縣坊人高亢不仕耕隱縣東之黃

洋結庵其上名曰玉泉

玉泉

時人不識田園樂只羨相如駟馬車

崇安縣志

蒲心泉

卽壽庚

玉女峯

玉女亭亭擁翠鬟此心如雪照清灣願將一掬秋溪

水洗却人間脂粉顏

武夷山志

壺叟

字怡樂號萬菊居士烏程人著有樵雲集事迹  
詳湖州府志隱逸傳

題沈知丞園

曲徑芳塘百畝園更無煩暑碍風烟留春庭院花如  
錦迎月樓臺柳舞綿鄴架插書金屋底秦箏度曲綠  
衣前主人宴罷歸來晚銀燭高燒月午天

樵雲集

黎仲吉

字漢儒寧都人袁州戶曹

留題金精山

昔人鸞鳳色冲天吳芮遺祠在洞前氣勢徒知凌宇  
宙干戈無力問神仙謾輕龜玉傳王業空得松杉接  
洞烟一等辛勤鑿巖穴禹門千古事仍傳

宋詩拾遺

湯益

字損之宋末吳人

葛嶺賈似道園池

檀板歌殘陌上花過牆荆棘刺簷牙指揮已失鐵如意  
賜與寧存玉辟邪廢館晝飛無主燕口池春吠在  
官蛙木棉庵下猶愁絕月黑夜深聞鬼車

朱煥文

字實甫安吉人弱冠有聲胄監初署迪功郎教  
授池州後以湖州教授致仕屬文明敏清麗尤  
善於詩有北山稿若干卷

寄內弟馬端臨

江山千里俱頭白骨肉十年終眼青

萬姓統譜

余芑舒

芑舒號息齋德興人季芳子潛心程朱之學與  
饒雙峰友善

天門山

誰將嘉號標奇觀山鳥山花第一重天闕常時瞻北  
極縣圖此處數西峰景雲百戰猶遺址當日諸公幾  
瘦筇定有英靈來訪舊夜聞嘶馬曉無蹤

歲寒山

爲周冕隱處

歲寒老石尙干霄松栢摧殘只艾蕭响嘯字昏烟漠  
漠空同人去夜寥寥涼蟬高挂千尋壁斷澗閒浮五  
石瓢不信渠儂呼不醒倘逢歸鶴試招邀

以上江  
西詩徵

吳思齊

擬古

平原一遺老九重未知名臨危觀勁節相視膽爲驚  
折多猶舉手籲天閔無成九隕期報國萬古猶光晶  
亦有布衣人烈烈死彌貞回風惜往日輝映豈獨清  
滔滔肉食輩泚頽徒吞聲我聞同志士野祭激高情  
配享遺斯人憂心每如酲

永康  
縣志



余萼舒

萼舒德興人與兄芑舒以理學齊名授集慶學錄學者宗之有武陵遺藁

楊梅

摘來鶴頂珠猶濕點出龍睛淚未乾若使太真知此味荔支應不到長安

江西詩徵

吳棟

湖南平江人

重遊道巖

元都重到拂題塵屈指於今十四春白石烟消丹竈

冷蒼岩日永畫樓新山中自笑黔驢技天外誰知海  
鶴身洞口桃花莫相笑劉郎猶是少年人

沅湘耆舊傳

朱浚

浚臨川人有梅邊集

寄友

谿月知相憶江雲約共吟夜船書一紙飛過赤楓林  
殊日西湖

幾州陵變谷經月雨爲霖世事今如此西風動客心  
贈賣墨呂雲叔訪陳烟山

仙宗傳訣自分明未數當年老樹精一片紫雲光滴

滴丹墀成就幾公卿

蓬萊仙子世偏珍  
琮璧多攜問楚津  
若向積烟峯下過  
殷勤傳語邸樓人

都城初秋和趙京倅

從來美玉價連城  
結佩乘風十二京  
攜上崢嶸今有約  
好留采筆調清平

暑夢蟲蟲似醉中  
片雲挾雨過長空  
不知秋色來多少  
一派炎涼任晚風

以上江西詩徵

程浚

號紫陽逸民

范君仙吏術何高欲禱靈局祇一敲借箸立談神幹  
運畫灰成字勢盤坳三錢舞卜堪爲侶五斗師來可  
締交神力也須人力附寄言詩將莫輕嘲

截江網

贈談命江文魁

四十頭顱昨自知行年懶問斗牛箕才如昭緯甘居  
下命若夏侯徒抵疑蟠屈尙懷雲雨志堅剛猶勵雪  
霜姿堦前松已圍三尺一笑仍煩季主推

刮眼相逢四五秋知君藝出萬人頭但看巨軸藏盈  
袖不信行囊尙弊裘建閣程生藏瑞墨買田張衍寄  
英游從來有術高天下莫但人謀當自謀

贈易數胡一鑑

招牌名一鑑數學得來真以子胥中易照他天下人  
窮通窺見影賢佞寫成神莫但爲人監回光監子身  
截江網

壽劉上舍將仕

魯臺昨夜已書雲喜報今朝紀紱麟五色褱呈迎瑞  
氣一陽道長慶亨辰定知昴宿鍾英質須信長庚現  
後身敢效髯秦詩格獻莫數十一壽千春

英聲壁水早年蜚官樣文章價久馳漢殿紫荷應有  
種燕山丹桂又傳枝名駒行作銓闈冠文虎因須鎖

試知他日汪黃推榜首立身事業儘優爲

截江網

熊銛

中宮院

我昨投文清冷淵稍責老龍多睡眠  
鉄笛穿雲久寂寞作詩喚起劉高禪  
劉高參龍與龍語一夜風雷共謀雨  
雨師荷鍤破天河阿香應門覓桴鼓  
不用樂巴西嘆酒那用出龍煩魯叟  
殷勤寄語望雲人高僧自是調元手  
今朝夏抵明日秋一夕不雨還自休  
南陌沾濡北阡渴東鄰感激西家愁  
安得黑雲如漏卮處處家家田作池  
予有鉢飯便可飽雨我公出遂及私

撫州府志

案宋詩拾遺作熊道裕

林元卿

字廷輔平陽宋步人官南安知州

客窗夜雨

萬里遲家春復秋異鄉何日夢刀頭業如獻豕從渠  
咲藝學屠龍只自羞香盡一爐開夜雨燈殘半壁數  
更籌斷腸不柰梧桐上滴碎鄉心點點愁

宋詩拾遺

林桂龍

三山人

丁大全謫嶺外溺死

一拖中流欠把持，偏輕偏重失便宜。  
孤舟不是無人渡，身作風波問阿誰。

移溪實壑誤明君，驚動沿江十萬軍。  
幸事不沈湘水死，有何面目見靈均。

稚子如何濟急流，一篙才錯便難收。  
當初把作尋常看，豈料中流解覆舟。

浩然齋雅談：丁大全丞相謫嶺外，至藤州溺死。三山林桂龍以詩嘲之，云云。

林東嶼

平陽人



野色

蒼茫一片誰能畫不著雲煙態自殊漠漠平田新雨  
後悠悠芳草夕陽餘水光低映濃如染天影遙連淡  
欲無可恨風塵棲易混石橋人斷竹蕭疎

宋詩拾遺

游志甫

賀游侍郎

茲者共審某官門弧紀度喜平開五旦之祥  
眞館頤神著文衍千齡之慶歡騰歌頌喜動  
人神某辱忝宗孫倍增慶臆謹課小詩二首  
仰祈遐筭千春唐突尊崇第增兢慄雷同效

進電囑爲榮

松竹青青耐歲寒長隨初度喜相看  
操同一節冰霜勁身直三朝柱石安  
顧問正資持從橐佚閑堅乞領  
祠官扶危筋力知尤健肯向風濤袖手觀

預喜新元八袞逢渭川曾說兆非熊  
清癯骨相今迂叟純雅文章昔醉翁  
喬木舊推清望重植槐新長綠  
陰豐都將祝頌無窮意寫入金盃  
壽酒中

截江網

游彥舉

贈畫士林堯卿

古稱名畫顧丹青遺跡遠紹難其人  
邇來忽覩林堯

卿繪像工夫殊絕倫解后俾爾寫吾形妙處一筆奪  
天真始知人傑間世生何代無才充選掄待需飛詔  
來楓宸浚煙特命書勳臣此時此意倍精神寧復跋  
跋走路塵

截江網

劉鑄

字季治長興人性素剛鯁淹貫經史幼孤鞠于  
伯父比長報以父禮李潛稱爲純德士平生交  
遊多名流讀書天竺山從學者百餘人母死廬  
于墓側孝心薦至著有燕石編

宗教院

泉州府志

雨過江山麗春深  
筍蕨肥扶藜蒼蘚破  
移榻亂雲飛

曾有光

贈畫山水陳兄

眼前畫士蠶樣密  
有如陳君萬纔一  
少年識高畫愈  
精  
曾蟠物象妙通神  
描盡江山歸指點  
寒雲古嶂煙  
雲歛若懸瀑布飛  
潄潄樵人向晚歸  
山巔幻出樓臺  
景一簇松釵墮落  
鴻金屋苔封石徑  
綠茸茸深藏古  
寺無聲鐘花落啼  
鳥四時好綠陽繫  
馬迷芳草溪上  
桃花三月春漁翁  
垂釣理絲綸夏日  
池亭避暑荷

花落岸香風度秋聲颯颯蘆葦寒驚飛白露起前灘  
野梅冬杪香飄路忽驚四面全雲布展開一軸指顧  
間始知妙畫歸毫端誰云不復見摩詰陳君自得如  
神筆石臺一去不復來陳君繼芳誠奇哉形容聊述  
歌一首行看聲亞諸人右

截江網

劉浚

寧鄉人隱居東鷺山

東鷺山石洞

滿山雲雨蛟龍走萬壑風烟虎豹通巖竇石泉流出  
冷草庵禪影坐來空

沅湘耆舊傳

劉閩風

壽胡運使

青原連峯鬱嵯峨中產瑞石如金螺

所謂螺川清淑以此得名

之氣孕秀多蜿蜒旁礴無偏頗間世人傑文星羅六

一鳴道繼雄軻忠簡名節森聲牙乃孫所學能傳家

天孫爲織雲錦窠五鳳裝樓龍作梭吐詞摘藻正而

葩緯國經邦眞土苴暫屈計臺煩撫摩飛芻輓粟漢

蕭何專城治郡政不苛分鑒散藥起札瘥幻出東湖

十里荷百花蔽虧萬柳遮民不知勞在咄嗟塗歌里

詠自吟哦坐致金穰玉燭和登城萬寶豐百嘉黍稷

稻梁菽禾麻維時秋律灰吹葭玉宇涼生雨乍過銀  
河夜靜風無波祥烟瑞靄紛交加只說牛女此會佳  
誰知神仙降雲車中駟下扶走乘戈玉妃擁衛不攜  
呵童女十二顏如花乘鸞吹簫靜無譁彈璫戛玉獻  
琵琶琴奏雙成瑟女媧仙掌金莖吸露華西涼蒲萄  
勝流霞桃實如蟠棗如瓜祝公千百筭增遐公持玉  
節鎮龍沙我領轅門吉水涯一水東西騁望賒安得  
共泛張騫槎秋風閶闔鳴玉珂公歸調鼎我鹽醪持  
衡不致斤兩差詩寄栢梁愧猗那因詞見意倘可歌

黃江  
網

曾山基

三山人

與中朝故人

自憐骨相太邅迤爲米折腰依舊貧古史多看多警  
省新詩愈改愈精神與遊造物真知己怕說天朝多  
故人蘭菊有時忙不得世間桃李幾番新

聚景園追涼

五雲縹緲護簷牙不是尋常富貴家樹樹風蟬涼意  
足衣巾時復墮槐花

題御愛牡丹



天香不數魏姚家  
玉砌雕欄護絳紗  
聞說弓旌遍巖穴  
憐才應是勝憐花

江湖後集

程正同

贈基士兼易卜

碁逢敵手難藏倖  
卦欲知人要識機  
二者雖然非共貫  
一心若定自同歸  
王春昔日韓陵諫  
幼度當年別墅圍  
設使劉君居左右  
必能相與話幾微

一枰蠻觸心持勝  
八卦蓍龜智不勞  
願我亡庸盲術數  
喜君有得異朋曹  
人情相卜忘言妙  
世事如碁不著高  
役已靈人多事在  
請看莊子善藏刀

截江網

陳郊

仙遊縣尉

靈鑒院

門外輪蹄去不休誰人識向靜中遊區區名利成輻

鎖不道少年能白頭

興化府志

宋詩紀事補遺卷八十五終

門下士湖州府學生員李延适校